

Þorvaldur Björnsson

From: smarinn@vortex.is
Sent: 26. júlí 2002 17:58
To: Þorvaldur Björnsson
Cc: Andri Sveinsson
Subject: Frétt í gær og frétt í hádeginu um einkavæðingu.

Ljósvakahandrit 26.07.02

Ríkisútvاريð 12:20

Kaup á ríkisbönkunum

Íslandsbanki stendur ekki vel að vígi í viðræðum um kaup á hlut í Landsbanka og Búnaðarbanka ef höfð eru í huga ummæli viðskiptaráðherra fyrir rúnum hálfum mánuði um að litlar líkur væru á að aðrar fjármálastofnanir kæmu til greina sem hugsanlegir kaupendur. Bankaráð Íslandsbanka situr nú á fundi og stjórnendur bankans boða yfirlýsingum um málið að honum loknum. Fyrir 4 árum reyndi Íslandsbanki að kaupa Búnaðarbanka en ríkisstjórnin hafnaði 8 milljarða króna tilboði í hlutabréf ríkissjóðs.

Íslandsbanki er meðal 5 fjárfestahópa og félaga sem lýsa yfir áhuga á að kaupa a.m.k. fjórðungshlut í Landsbankanum og Búnaðarbankanum. Forráðamenn Íslandsbanka virðast hvergi bangnir þrátt fyrir orð Valgerðar Sverrisdóttur, viðskiptaráðherra í fréttum útvarps fyrir rúnum hálfum mánuði. Þá var búið að birta auglýsingum einkavæðingarnefndar þar sem fram kom að leitað væri eftir fjárfesti með það að markmiði að efla bankana og samkeppni á íslenskum fjármálamarcaði. Valgerður var spurð hvort þetta þýddi að aðrar fjármálastofnanir og bankar kæmu ekki til greina sem hugsanlegir kaupendur.

Valgerður Sverrisdóttir, viðskiptaráðherra: Ja, með því að ætla sér að auka samkeppni á fjármálamarcaðnum að þá eru litlar líkur á því að aðrar fjármálastofnanir geti komið til greina,

vegna þess að með því móti værum við ekki að auka samkeppnina.

Sagði Valgerður Sverrisdóttir, viðskiptaráðherra í kvöldfréttum 10. júlí. Ekki náðist í Valgerði í morgun til að spryja hana hvort þessi orð væru enn í fullu gildi. Forráðamenn Íslandsbanka vildu í morgun ekki tjá sig um áhuga bankans á hinum bönkunum tveimur, en heimildir fréttastofu herma að fyrir þeim vaki að ná fram sparnaði og hagræðingu á íslenskum fjármálamarkaði. Fundur í bankaráði Íslandsbanka hófst klukkan hálfellefu í morgun. Eftir fundinn er von á frekari skýringum frá stjórnendum bankans á fyrirætlunum hans. Fyrir tæpum 4 árum bauð Íslandsbanki 8 milljarða króna í öll hlutabréf ríkissjóð í Búnaðarbankanum en ríkisstjórnin hafnaði því tilboði. Forráðamenn Búnaðarbankans töldu það of lágt. Stjórnendur Íslandsbanka hörmuðu niðurstöðu ríkisstjórnarinnar og Valur Valsson, bankastjóri sagði að hún væri augljóslega pólitisk. Mikil þörf væri á hagræðingu í íslenska bankakerfinu ef það ætti að standast erlenda samkeppni á komandi árum.

Tími: 2:10

Fréttamaður: Sveinn Helgason

LS

Ljósvakafréttir eru gefnar út af Fjölmíðlavaktinni ehf.
Laugavegi 170 sími: 540-1000 fax: 540-1088.

<mailto:ljosvaki@fmv.is> <http://www.fmv.is/>

Ljósvakahandrit 25.07.02

Sjónvarpið 19:00

Sala ríkisbankanna

29.7.2002

Einkavæðingarnefnd bárust 5 tilkynningar frá fjárfestum sem hafa áhuga á að kaupa a.m.k. fjórðungshlut í Landsbankanum og Búnaðarbankanum. Viðskiptaráðherra vill ekki fullyrða um hvort bankarnir verði seldir að svo stöddu.

Það er óhætt að fullyrða að sumarið hafi einkennst af stórtíðindum á bankamarkaði. Fyrirhuguð sala ríkisins á eignarhlut sínum í Búnaðarbanka og Landsbanka er eitt þessara hitamála og nú síðdegis kom í ljós hverjir ætla að takast á um ríkisbankana tvo. Áhugasamir fjárfestar höfðu frest til að skila inn erindi til klukkan 4 í dag og skömmu síðar kom framkvæmdaneftnd um einkavæðingu saman til að ræða hverjir hefðu svarað kallinu. Áhugasamir fjárfestar reyndust vera fimm. Björgólfur Thor Björgólfsson, Magnús Þorsteinsson og Björgólfur Guðmundsson sendu inn erindi eins og búist hafði verið við. Og Þórður Magnússon sendi inn erindi fyrir hönd fjárfesta. Eignarhaldsfélagið Andvaka, Eignarhaldsfélagið Samvinnutryggingar, Fiskiðjan Skagfirðingur, Kaupfélag Skagfirðinga, Samskip og Samvinnulífeyrissjóðurinn sendu inn sameiginlegt erindi. Íslandsbanki sendi inn fjórða erindið og loks lýsti fjárfestingarfélagið Kaldbakur yfir áhuga á bankakaupunum, en það er í meirihlutaeigu KEA, Samherja og Lífeyrissjóðs Norðurlands. Allir fjárfestarnir lýstu yfir áhuga á að kaupa báða bankana. Fimm erindi er nokkru meira en einkavæðingarnefnd hafði búist við og Ólafur Davíðsson, formaður nefndarinnar kveðst sáttur við niðurstöðuna.

Ólafur Davíðsson, formaður framkvæmdaneftndar um einkavæðingu: Já, það er greinilegt að það er talsverður áhugi á því sem að þarna var verið að leita eftir, þannig að þetta eru 5 tilkynningar sem hafa borist og þannig að við höfum greinilega nóg að gera að vinna úr því á næstunni.

Sigríður Hagalín Björnsdóttir: Er þetta í samræmi við væntingar eða var eitthvað þarna sem kom ykkur á óvart?

Ólafur Davíðsson: Það var náttúrulega mjög erfitt að gera sér grein fyrir því fyrirfram hver áhuginn eða hve margar tilkynningar myndu berast, en ég

hugsa að það hafi ekki verið hægt að búast við mikið fleiri tilkynningum heldur en þessum.

Sigríður: Hvað er það sem gerist næst, hvaða ferli fara þessi mál í nú?

Ólafur Davíðsson: Nú, þetta er dálitið misjafnlega úr garði gert það sem að hefur borist, þannig að það er augljóst að við munum fyrst þurfa að fara yfir þau bréf sem hafa borist og síðan verður rætt við alla þá aðila sem hafa sent inn tilkynningar. Það munum við gera á næstu dögum og svona í framhaldi af því verður þá reynt að meta stöðuna og hvert framhaldið verður. En þetta mun allt taka nokkurn tíma.

Sigríður: Jafnvel þá vikur eða mánuði?

Ólafur Davíðsson: Ég vil ekki nefna neinar dagsetningar núna en þetta gerist ekki á örfáum dögum.

Ríkið á um 55% í Búnaðarbankanum og um 48% í Landsbankanum. Einkavæðingarnefnd auglýsti eftir fjárfestum sem hefðu áhuga á að kaupa a.m.k. fjórðungshlut í bönkunum tveimur eftir að Björgólfur Thor Björgólfsson, Magnús Þorsteinsson og Björgólfur Guðmundsson óskuðu eftir viðræðum við ríkið um kaup á hlut þess í Landsbankanum. Nú er ljóst að fleiri hafa áhuga á bankakaupum og þeir koma ekki aðeins af höfuðborgarsvæðinu eins og Gísli Sigurgeirsson, fréttamaður á Akureyri getur frætt okkur um.

Meðal þeirra sem lýst hafa því yfir að þeir sækist eftir ráðandi hlut í Landsbankanum og Búnaðarbankanum er Kaldbakur, sem er eignarhaldsfélag Kaupfélags Eyfirðinga, Samherja og Lífeyrissjóðs Norðurlands.

Eiríkur Jóhannsson, framkvæmdastjóri Kaldbaks: Bankarnir tveir eru ákjósanlegt tækifæri á markaði til þess að skoða og í sjálfu sér fyrst í stað gengur okkur ekkert annað til heldur en að fá að skoða þetta tækifæri og láta reyna á það hvort að það geti orðið okkar.

Gísli Sigurgeirsson: Eruð þið að hugsa um annan hvorn bankann eða hugsanlega báða?

Eiríkur Jóhannsson: Ja, miðað við auglýsinguna þá er mjög erfitt að átta sig á því hvor bankinn verður seldur fyrst, þannig að við teljum að það sé algjörlega óhætt af okkar hálfu að lýsa yfir áhuga á báðum því að báðir bankarnir eru góðir fjárfestingarkostir að okkar mati.

Gísli: Þið talið um að það séu aðrir fjárfestar með ykkur. Hverjir eru það?

Eiríkur Jóhannsson: Að svo stöddu þá munum við ekki gefa það upp hverjir það eru. Við höfum rætt við aðila bæði innlenda og erlenda sem hafa gefið okkur vink um það að þeir vilji fá að vera með.

En hvað segir Valgerður Sverrisdóttir, viðskiptaráðherra, er hún sátt við undirtektirnar?

Valgerður Sverrisdóttir, viðskiptaráðherra: Ég er í fyrsta lagi bara ánægð með það að það sýnir sig að vera áhugi á bönkunum. Til þess var leikurinn gerður. Nú er hins vegar vinna framundan við að fara yfir þessi bréf og átta sig á því hvernig þau hljóða og við munum að sjálfsögðu vinna bara málefnalega að framhaldinu.

Gísli: Sýnist þér horfur vera þannig að það sé ljóst að bankarnir verða seldir?

Valgerður Sverrisdóttir: Það ætla ég ekki að fullyrða á þessari stundi því að við vorum fyrst og fremst að óska eftir viðbrögðum og athuga um áhuga.

Þau voru að heilsast að gömlum og góðum íslenskum sið en gætu þess vegna verið að handsala kaupin á bönkunum.

Viðbót:

Einkavæðingarnefnd vill koma á framfæri viðbót við frétt hér fyrr í fréttímanum því nafn eins fyrirtækis hafi vantað í upptalningu fjárfestanna 5 sem ætla að gera tilboð í Búnaðarbanka og Landsbanka. Tér hf. sendi einnig inn erindi ásamt Samskipum, Skagfirðingi og fleiri fjárfestum.

Tími: 5:10

Fréttamaður: Sigríður Hagalín Björnsdóttir, Gísli Sigurgeirsson

LS

"

Ljósvakafréttir eru gefnar út af Fjölmíðlavaktinni ehf.
Laugavegi 170 sími: 540-1000 fax: 540-1088.

<mailto:ljosvaki@fmv.is> <http://www.fmv.is/>

Fjölmíðlavaktin
Ásmundur K. Ólafsson
Sími: 899 9980
smarinn@vortex.is